



UNIVERSITÄTS-
BIBLIOTHEK
PADERBORN

Universitätsbibliothek Paderborn

Corona Sacratissimorvm Jesu [Iesu] Christi Vulnervm

**Wael Van Vronesteyn, Willem de
Antverpiæ, 1649**

Benevole Lector.

[urn:nbn:de:hbz:466:1-49125](#)

BENEVOLE LECTOR

CVræ secundæ primis accuratiores sunt: secundam editionem trado libelli mei , emendatiorem , & centum plus minus locis, primâ auctiorem. In hac calatum mihi ponere non licuit, quia Dominus terminum non ponit in sacrorum vulnerum suorum beneficiis , quibus seruos suos , piasque animas , quæ illa venerantur , afficit. Cùm itaque sacra hæc vulnera , diuina , inquam , illa pignora , sine termino affluant continuis donorum cælestium fontibus , semper habebunt calami quod scribant , & animi quod mirentur , ac colant.

Alterum est; si fortè quis sibi , & pietati suæ parari optet coronam , quam in imagine proxima Angelus exhibet , dubitetque , quid in adversâ numismatum , vulnera Domini repræsentantium , parte sculpendum sit ; pedibus , ac manibus malleos insertis clavis ,

cordi lanceam, Christi capiti coronam spineam, Deiparæ Salvatorem sinu excipienti à tergo crucem opponat, & habebit non in sacris tantum vulneribus, sed etiam hisce in instrumentis, magnum devotionis suæ incitamentum; quæ eò jam apud pias aliquas animas processit, ut numismata hæc non ærea, neque argentea, sed aurea esse velint, corallinis, seu sanguineis globulis, aureis catenulis, innexa; qui verò hasce catenulas argenteas volunt, aiunt se per eas aquam è sacro Domini latere manantem intelligere. Ita quod cælo, terraque, præter divinitatem, ut cum Ludovico Blosio loquar, pretiosissimum & dignissimum est, sacratissima, inquam, Domini vulnera dignissimo affectu, ac pretio, ingeniosa, & grata in Redemptorem suum pietas veneratur.

PRO.